

臨川先生文集

十

臨川先生文集卷第四十六

內制

青詞 密詞 祝文 齋文

景靈宮三殿開啓中元節道場青詞

景靈宮保寧閣下元節道場青詞

寧聖殿開啓為民祈福年交道場青詞二道

洪福殿開啓謝雨道場青詞

在京諸官觀景靈宮等處祈雪謝晴青詞二

道

坊州秋祭 聖祖大帝青詞

滄瀛州地震設醮青詞二道

北定州地震開啓祭禱道場青詞

集禧崇先觀開啓祝 聖壽金籙道場密詞

二道

延福宮開啓 皇太后 皇后生辰道場密

詞二道

金明池開啓謝雨道場密詞

蘭先殿奏告 太祖皇帝孝明皇后祝文

應天禪院奏告 太祖 太宗 真宗皇帝

御容祝文

永隆殿奏告 太宗皇帝 元德皇后祝文

太廟奉慈諸廟奏告南郊等處祝文

諸皇后陵奏告謝南郊禮畢祝文

英德殿奉安 英宗皇帝御容祝文

延昌殿奉安 英宗皇帝御容祝文

應天禪院圻修 太祖神御殿祭告祝文

景靈宮祭告太歲已下諸神祝文

崇真彰德殿為經霖雨奏告祝文

太廟后廟奉慈廟雅飾奏告祝文

西太一中太一宮立秋祝文二道

九宮星真神祝文

景靈宮聖域真官祝文

天地社稷宮觀五嶽四瀆等處祈晴祝文二

道

定州北嶽為地震祭禱祝文

文德殿告遷 御容祝文

南郊青城畢功上開啓保安祝壽齋文二道

五臺開啓南郊禮畢道場齋文

性智殿開啓 太皇 太后生辰道場齋文

十月一日資薦 仁宗皇帝道場齋文

福寧殿資薦 英宗皇帝道場齋文二道

廣愛殿資薦 章惠皇后忌辰道場齋文

延昌殿奉安 英宗皇帝御容道場齋文

温成皇后陵獻殿內開啓冬節道場齋文

金明池上開啓祈雨謝雨道場齋文二道

龍圖天章寶真文閣接續開啓以雪道場齋文

泗州塔謝晴齋文

後苑天王殿圻修了畢齋文

景靈宮三殿看經堂開啓上元節道場齋

詞

伏以三元令節釐事有經祇薦潔誠宗祈祉福仰聖
庇貺覃及庶黎

景靈宮保寧閣下元節道場青詞

伏以殊廷外建嘉節俯臨夙設靈壇蠲烝順祝冀蒙
真聖垂祐群黎

醴泉觀寧聖殿開啓爲民祈福保夏道場

青詞

伏以聖真不冒品庶具依當蕃啓之盛時用熏修之
故事仰祈聰直俯鑒齊精溥垂庇祐之仁申錫壽康
之福

醴泉觀寧聖殿開啓年交道場青詞

伏以像圖夙設壇席載嚴當此歲陰之交率時禱
之舊仰惟庇貺俯逮黎元

集禧觀洪福殿開啓謝雨道場青詞

伏以旱暵成災懼物生之疵癘被齊以禱荷神降之
顧綏載闡靈場式陳昭報尚冀涵濡之施以終庇祐
之仁

在京諸宮觀景靈宮等處祈雪青詞

伏以華歲幾終同雲未兆物將疵癘咎在眇冲敢罄
齊精上求嘉應冀蒙貺施孚佑含生

謝晴青詞

伏以密雲作雨暘不時若蒙神賜祐萬沴用除奔走
以謝靈貺祀儀有法不敢怠忘

坊州秋祭 聖祖大帝青詞

伏以祠城在望御館如存敢因拏斂之辰祇用吉蠲之薦冀蒙垂祐俯賜降歆

滄瀛州地震設醮青詞

伏以地德安靜震非其常陰陽厥愆以告咎罰檜穰有典仰賴監歆所冀方隅具膺庇貺

二

伏以自河以北坤載不寧敷置淨筵以祈後福仰惟皇覺敷佑群生監此齋精俯垂庇貺

北嶽廟為定州地震開啓祭禱道場青詞

恭以地職持載靜惟其常今茲震搖以警不德涉河而北又用驚騷惟嶽有神芑綏厥壤被除祠館按用

祈儀請命上靈冀蒙孚佑敢忘貪畏以荅眷歆

集禧觀開啓保夏祝 聖壽金籙道場密

詞

伏以時在炎蒸物方蕃祉即祠庭之精闕竭清道之嚴祇仰冀監觀俯垂庇祐且綏福履申弭疾殃覃及群黎永膺戩穀

崇先觀開啓保夏祝 聖壽金籙道場

詞

伏以眷祐無疆熏脩有舊當朱明之紀候祈蒼昊之垂仁申錫休嘉外覃品庶敢怠靈承之志永膺丕冒之恩

延福宮開啓 皇后生辰道場密詞

伏以統治后宮協承先廟誕育不脩及釐事有常惟萬德之博臨奠百祥之永錫

延福宮開啓 皇太后生辰道場密詞

伏以協承寶命恩維卅育之深俯應羣情法有摠持之妙齋場夙設慶事備終敢祈西竺之威神永佑東朝之福履

金明池開啓謝雨道場密詞

伏以蕃啓在時蘊隆為虐罄齋精而上禱蒙膏潤之旁流祇報靈休式陳淨供尚祈終賜無使後艱

興國寺開先殿奏告 太祖皇帝 孝明

皇后祝文

伏以像設有嚴神游所御瞻衣冠而如在懼風雨之弗除亡事將興消辰既吉永賴靈明之鑒俯昭林煬之懷

西京應天禪院奏告 太祖 太宗

真宗皇帝御容祝文 告還奉安還

伏以殊庭有恤館御如存吉日既蠲繕修惟謹式陳嘉薦以妥明靈

啓聖院永隆殿奏告 太宗皇帝 元德

皇后祝文

伏以威神所感營繕有期考禮舊章宜時潔告茂惟靈德俯鑒至懷

太廟八室奉慈諸廟奏生南郊等處祝文

伏以三歲一郊實昭大報前期潔告國有故常仰冀

靈明俯垂鑒祐

諸皇后陵奏告謝南郊禮畢祝文

伏以禋饗郊官國之重事唯蒙慈庇以獲休成筴祝有經敢忘用舊

景靈宮英德殿奉安 英宗皇帝御容祝

文

伏以先聖舊祠祖宗所御嗣興寶御追奉靈游詠日

既嘉具儀以妥祖惟在上永保厥寧

天章閣延昌殿權奉安 英宗皇帝御容

祝文

伏以相名山於洛宅既兆寢園倣原廟於漢儀將遷館御潔除秘宇嚴奉時容冀靈蹕之少安副衷情之

同極

西京應天禪院圻修 太祖神御殿祭告

祝文

廟利有嚴威神所御將改新於寶御永欽奉於時容

仰冀靈明俯垂鑒祐

景靈宮修蓋 英宗皇帝神御殿上梁祭

告太歲已下諸神祝文

伏以欽奉僊遊肇營寶御舉脩梁而揆日具蠲飾以

寧神祓此後艱仰繫大祐

慈孝寺崇真彰德顯為經霖雨垂脊脫落

奏告祝文

伏以雨淫告災垣二屋或壞惟棟所御有圯弗支詎周

靈辰改新厥名蠲為祗薦於禮有常

太廟后廟奉慈廟雅飾告祝文

伏以三歲一郊祖宗成法靈明所御繪飾有時方此得工禮當潔告

西太一宮立秋祝文

伏以候火既流占灰甫應真游所御靈時具存率循舊章作薦常事仰祈錫福大茂含生

中太一宮立冬祝文

伏以館御國郊庇賦天物祠官筴祝在禮有初消選吉時作薦常事敢祈早祐施及群黎

九宮貴神祝文

伏以上用靈辰躬修禋享清壇所兆潔告有常

景靈宮里域具官祝文

伏以宗祈陽郊祗見神祖葆茲淨域夙賴真靈祗奉舊章式陳嘉薦

天地社稷宮觀等處祈晴青詞祝文

積陰為沴淫雨弗止蕩決漂墊將為民菑懼德不類以干咎罰是用齋被宗祈明靈冀蒙垂矜遂獲開霽休嘉之錫實被含生

五嶽四瀆諸廟祈晴祝文

淫雨弗止將為民菑懼德不孚以罹咎罰是用奔走禱于明神惟神監觀惠以時暘非民獨蒙嘉福神亦永有休享

定州北嶽為地震祭禱祝文

伏以自河以北陽出鎮陰人用玉寧魯由菲德永惟
聰直庇祐一方祇飭使人齋精以禱尚蒙歆鑒無有
後艱

文德殿告遷 御容祝文

伏以綬冠即事喪紀有終黼座厥神哀懷靡極度新
宮而館御諏吉日以徂遷式冀靈明永歆豐潔

南郊青城綵內畢功大殿上開啓保安祝
壽諷孔雀明王經齋文

伏以祀北方嚴齋場夙設實延淨衆開誦梵文既蒙
大施之仁助錫丕平之福

南郊青城綵內畢功大殿上開啓保安祝
壽諷法華經齋文

伏以惟宮既具皇邸將臨發誦秘文施其景福仰惟
覺慈之覆俯綏禋享之成

五臺開啓南郊禮畢道 齋文

伏以靈承在上懼休命之難 大報于郊惟感儀之
獲 祇循故事恪報厥成仰賴顧歆終垂庇貺

內中延福宮性智殿開啓 太皇太后生
辰道場齋文

伏以大陰協兆良月御時猥以眇躬獲承慈範敢因
穀旦祇集勝緣實賴等慈具綏景福

十月一日永昭陵下宮開啓資薦 仁宗
皇帝道場齋文

伏以大明光藏上智之所發揮妙惣持門群靈之所

歸賴歲陰逝矣陵闕超然憑淨衆以有祈冀其遊之無礙

福寧殿開啓資薦 英宗皇帝道場齋文

伏以憑几之言未遠滌場之候更新推慕安窮攀號靡及旁招淨衆歸誠甘露之門仰祝靈游取證法雲之地

中元節福寧殿水陸道場資薦 英宗皇帝

帝道場齋文

伏以正等上緣含生永賴薦龍施之淨供助宿植於神游仰冀靈明俯昭哀懇

萬壽觀廣愛殿資薦 章惠皇太后忌辰

道場齋文

伏以諱日俯臨祠庭外闕遊東黃冠之衆宗祈紫極之神按用前科追營後福庶超升之莫禦繫庇既之有加

天章閣延昌殿開啓權奉安 英宗皇帝

御容道場齋文

伏以翠旌所御王色如存將改滄於清間少却安於秘近旁招淨衆仰助勝緣憑妙覺之摠持冀皇靈之升濟

溫成皇后陵獻殿內開啓冬節道場齋文

伏以光靈所宅崇奉有儀因今節以重修冀貝乘之祈助仰希錫福俯逮宮生

金明池一雨啓祈雨粉壇道場齋文

伏以肅設祠壇宗祈解澤膏潤之祥南北 炎之懼
更深實侍靈明厚矜穡庶遂今沾足用格豐穰

金明池上開啓謝雨道場齋文

伏以常暘告罰將害染盛夙設靈場載祈膏澤神休
既落昭報有儀尚惟孚佑之仁終保嘉生之享

龍圖天章寶文閣接續開啓祈雪道場齋

文

伏以歲序就窮尚愆嘉雪能仁應世閱此含生冀佑
上靈錫之休證式陳淨供以告齋誠

泗州塔謝晴齋文

天菑千民淫雨不止被除齋戒並走以祈實蒙等慈
俯應誠悃永惟庇貺其敢弭忘

臨川集四十六

後苑天王殿并修了巽齋文

伏以擬辰居之奧密飭祆像之嚴威繕治告功被齋
祈福庶憑至善永保多盤

臨川先生文集卷第四十六

臨川先生文集卷第四十七

內制 詔書

勅勝交趾

提轉考課勅詞

韓琦加恩制

李璋加恩制

皇伯祖承亮加恩制

李日尊加恩制

馮翊郡君連氏等賀南郊禮畢表

德妃苗氏上賀南郊禮畢表

賜梁適張昇特赴闕南郊陪位詔

賜允梁適陳乞不赴南郊陪位詔

賜允張昇不赴南郊陪位詔

賜王拱辰乞南郊赴闕不允詔

賜允韓琦乞相州詔三道

賜韓琦依所乞詔

賜韓琦乞相州不允詔三道

賜韓琦乞致仕不允詔

賜韓琦湯藥詔

賜富弼乞判汝州詔

賜富弼上表乞致仕不允詔

賜允富弼乞假養疾詔

賜允富弼乞赴汝州避災養疾詔

賜富弼赴闕詔二道

賜富弼赴闕止茶藥詔

賜富弼辭免本郊禮畢支賜詔

賜宰臣曾公直已下辭南郊賜賚不允詔

賜陳升之辭乞恩命不允詔

賜陳升之赴闕朝見茶藥詔

賜歐陽脩上表乞致仕不允詔三道

賜歐陽脩辭知壽州不允詔二道

賜荅曾公亮詔

賜張方平免特支請俸詔

賜邵亢乞郡詔

賜皇伯從式乞免新命不允詔

賜蔡挺茶藥詔

賜蔡挺獎諭詔

賜高賦獎諭詔

勅勝交趾

勅交州管内溪峒軍民官吏等眷惟安南世受王爵撫納之厚實自先朝含容厥愆以至今日而乃攻犯城邑殺傷吏民十國之紀刑茲無赦致天之討師則有名已差吏部員外郎充天章閣待制趙高充安南道行營馬步軍都總管經略安撫招討使兼廣南安撫使昭宣使嘉州防禦使入內侍省都押班李憲充副使龍衛四廂都總管指揮使忠州刺史燕達充副都總管順時與師水陸兼進天示助順已兆布新之祥人知侮云咸懷敵愾之氣然王師所至弗

克奔咨爾士庶久淪塗炭如罪狀論王內附率眾自歸
爵祿賞賜當倍常科舊惡宿負一皆原滌乾德勿雅
政非已出造廷之日待遇如初朕言不渝眾聽無惑
比聞編戶極困誅求已戒使人具宣恩旨暴征橫賦
到即蠲除冀我一方永為樂土

提轉考課勅詞

先王考績之次序雖見於經而其詳不傳於後世朕
若稽古以修眾功而諸路刺舉之官未有以考其賢
否比勅有司詳議厥制條奏來上詢謀悉同其使布
宣以勵能者而擇左右可信之良使典治之古人有
言徒善不足以為政徒法不能以自行今朕有念功
樂善之志焉而又繼之黜陟幽明之法以待天下之
大吏矣然非夫任事之臣躬率以正而考慎其實與
士大夫宣力于外者皆安於禮義而不以便文徵幸
為姦則朕之志豈能獨信於天下而法亦何恃以行
哉咨爾在位其各悉力一心務祇新書以稱朕至誠
惻怛之意

韓琦加恩制

門下朕祇率舊章肇稱吉禮對越天地具獲靈明之
歌相維公卿並膺休顯之賜其孚大號以寵元勳推
誠保德崇仁守正協恭贊治亮節翊戴功臣淮南節
度揚州管内觀察處置營田等使開府儀同三司守
司徒檢校太師兼侍中行揚州大都督府長史上柱
國魏國公食邑一萬三千七百戶食實封五千戶韓

琦躬受偉材出陪熙運保茲天子進無浮實之名正
是國人退有顧言之行明朝廷之兩社採方域之萬
邦辰猷具臧器寶加重中辭機軸之要外即蕃屏之
安衡統紘緹備三公服節之盛纛纛載壽縣兼大將威
儀之多序績既崇修之端謹協成宗祈之禮與有顯助
之勞肆衍本封申加美稱於戲恩典徽數所以旌帝
臣明德茂功所以獎王室往惟勵翼服此褒嘉可特
授依前守司徒檢校太師兼侍中行揚州大都督府
長史魏國公充淮南節度揚州管內觀察處置營田
等使加食邑七百戶食實封四百戶仍賜推誠保德
崇仁守正協恭贊治亮節佐運翊戴功臣散官勳如
故主者施行

李璋加恩制

門下朕若昔大猷紹天明命必有獻享之禮作民恭
先必有褒嘉之恩自國貴始翊衛功臣奉寧軍節度
鄭州管內觀察處置河堤等使光祿大夫檢校司空
使持節鄭州諸軍事鄭州刺史兼御史大夫上柱國
平原郡開國公食邑四千三百戶食實封一千戶李
璋世載忠善躬服儉勤以后家之洪支爲帝室之隆
棟入揔營衛則兵師無譁出乘蕃維則吏屬不怠近
付京都之籥外更方鎮之旄貢職惟修祀儀獲考進
加功號申衍邑封以疇服采之勤其協勸勞之典於
戲貴富有危溢之可戒祿位匪侈驕之與期圖惟慶
譽之終尚協龍光之施可特授依前檢校司空使持

節鄭州諸軍事鄭州刺史兼御史大夫充奉宣軍節度鄭州管内觀察處置等使加食邑七百戶仍賜翊衛忠果功臣散官勳封密以主者施行

皇伯祖威德軍節度使榮國公承亮加

恩制

門下朕裸獻廟室燎禋郊立内蒙祖考之居歆外獲神祇之顧饗嘉我近屬與有陪輔之勞揚於大庭使膺褒顯之福具官某德善自表爵齒兼尊魁然肅艾之材尚矣神靈之胄世承厥慶有跼蹐之芬華朝賴以寧若翰蕃之嚴密乃相肆祀實綏思成進加奠食之封申錫詔功之號於戲孝恭可以儀宗室信厚可以化邦人匪時親賢孰朕承翼往有寵獎尚協榮懷

李日尊加恩制

門下朕紹膺駿命稽用上儀祗事郊宮並受三神之福推恩方夏外交四表之歡告于有司錫是在服推誠保節同德守正順化翊戴功臣靜海軍節度觀察處置等使同中書門下平章事李日尊躬懷德善世濟忠勤奠茲南邦居有扞城之效衛我中國使無疆場之虞賜之大將之旌旆之真王之爵往踐厥位知欣戴於寵章來獻其琛用協成於熙事陪敦采邑裒進文階載加真食之封式元懋功之典於戲人之所勛惟怙冒於王靈國以永之顧循守於侯度庶時新命保乃舊邦可

馮翊郡君連氏等賀 皇帝南郊禮畢表
伏以廟饒蠲烝郊柴昭報仰格神靈之饗俯均夷夏
之歡中賀伏惟 皇帝陛下道協欽明德兼神武攬
御今之皇策考嚴上之帝儀履威盛容茂實存乎六
世恩典徽數賚并及於萬方妾備數先朝叨榮中禁
親逢累洽竊用交欣妾無任

德妃苗氏上賀 皇帝南郊禮畢表

伏以靈承廟祏祗載郊丘既來萬國之歡遂格三靈
之祐中賀恭惟 皇帝陛下徇齊成性睿廣曆期神
罔時恫方紹休於大業聖為能饗食乃獲考於上儀妾
逮侍先朝親逢盛事觀瞻有煒欣賴實多妾無任

賜太子太傅致仕梁適太子太師致仕張

昇特赴闕南郊陪位詔

朕肇稱主幣祗見郊宮嘉得萬國之歡心以承配天
之大事永念元老著勳 先朝當與辟公序于祠位
冀能顯相綏我休成可發來赴闕南郊陪位故茲詔
示想宜知悉

賜允太子太傅致仕梁適陳乞不赴南郊

陪位詔

勅梁適省所上表遞到詔書一道令臣赴闕陪位者
臣以久病不獲奔走前去事具悉朕肅將主幣祗見
郊丘嘉與舊臣協承熙事乃聞疾旅力尚德優老
寵賢義誠難彊

賜允太子太師致仕張昇不赴南郊陪位

詔

勅張昇郊立大事群辟且來舊老元勳所宜顯相乃以疾苦惻於朕心尚慎興居以膺康福

賜宣徽北院使判大名府王拱辰乞南郊赴闕不允詔

勅拱辰朕嗣命典神肇稱吉禮稽循故事不敢愆忘卿既率貢職以來助祭又求入覲陪侍郊宮緬彼都畿方須鎮撫水惟重寄難徇至懷

賜允守司徒兼檢校太師兼侍中韓琦乞相州詔

勅韓琦卿以公師之官將相之位統臨四路屏扞一方寄重任隆群臣莫比雖罹疾莫即有瘳而章書頻煩來以病告宗工元老視遇有加恩禮之間然何敢薄重違懇惻姑即便安

賜守司徒兼檢校太師兼侍中判永興軍韓琦再乞相州詔

卿當國家之多難任社稷之至憂實能忘勤以濟勲績方均逸豫適此外虞煩我元功良非得已亦惟體國義不辭勞今雖尚謀經武之時非有蒐兵伐罪之事坐臨諸帥固可優游何必舊邦乃能休養勉綏居息以副倚毗

賜守司徒檢校太師兼侍中韓琦詔

便道之鎮朝廷故常來朝京師朕意所欲使事曲折既當聞知忠言嘉謨又所飢渴雖勤勤可不勉哉

賜韓琦依所乞詔

勅韓琦奏乞由河陰本路赴相州安泊骨肉行李訖徑乘遞馬赴闕朝見奏事訖還赴本任稍從私便事具悉舊德元功久於方面嘉言讜論所欲亟聞其來造朝然後之鎮義當龜勉無或告勞

賜守司徒檢校太師兼侍中判永興軍韓琦乞相州舊任不允詔三道

勅韓琦卿明德茂勳具書帝籍祖考所付以屏毗朕躬比辭國均已會邊隙故煩元老屬此憂勤今羌雖來柔疆事多弛經營科治改命爲難莫府坐籌制其大略雖聞稍憊冀可少安義有固然朕言無戲

二

勅韓琦羌夷變態未易究知邊塞繕完所宜申飭以卿望實分朕顧憂當并群策以有爲遂措一方於無事乃來告疾冀得燕閒主爾忘身忠賢之義勉膺重寄務體至懷

三

勅韓琦卿茂德雋功朝廷所賴方解政幾之劇重分疆事之憂種落綏和酋渠嚮順永惟邊鎮猶恃老成所須經武之遠謀及此暇時而備豫當思體國無却告勞

賜守司徒檢校太師兼侍中判永興軍韓琦乞致仕不允詔

勅韓琦朕初嗣位不敢暇逸惟畏天命亦惟閔民蠹

茲一方尚戒羌夷制變備豫扞藩禦侮庶幾元老克
協朕心若其憚勤誰與謀此勉祗厥服用副至懷

賜判永興軍韓琦湯藥詔

勅韓琦任隆三事寄重一方比聞經制之勞或爽節
宣之序特馳使傳往喻朕懷宜有分頒以資衛養

賜允觀文殿學士尚書左僕射新除集禧

觀使富弼辭免乞判汝州詔

卿翊朕祖考功施于時德善在躬終始如一祠庭置
使實近闕門邦有大疑庶幾求助忠賢體國義乃可
留而引喻再三便於出守重違懇惻姑即所安故茲
詔示想宜知悉

賜判汝州富弼乞致仕不允詔

勅富弼卿忠純亮直爲國元老朕所恃賴急於典刑
優游小邦足以養疾冀緩福履來副詢謀何必言歸
以孤眷囑

賜判汝州富弼乞假養疾詔

眷我元老數更悲傷比飭使人往宣至意乃觀來論
未即康寧姑順誠懷勉緩吉祿

賜判汝州富弼乞赴安州避災養疾詔

比飭使人具宣至意就令賜告冀遂寧瘳卿嚴祗朕
命不敢違息顧念吏卒閔其滯留執載馳用忘勤
勩恭以事上卿實有之仁及賤微又能如此忠誠所
惻豈獨朕心從容小邦姑以養福勉緩吉祿毋恤後
艱故茲詔示想宜知悉

賜判汝州富弼赴闕詔二道

勅富弼卿中解政機外分符守之於窮僻衛養或愆
優游京師可以治疾謂當趣駕以副虛懷

二

勅富弼父解政機荐分符守元功茂德朕所注心渴
聞嘉猷以輔不逮

賜富弼赴闕并茶藥詔

勅富弼適自州藩來還朝位眷馳驅之良苦懼衛養
之或愆當有寵頒以昭勤佇

賜判汝州富弼辭免南郊禮畢支賜詔

勅富弼省所奏免南郊支賜受釐于神賚及蠻貊卿
勲德兼茂中外具瞻恩典所加當先群辟區區一賜
何足以辭當體眷懷共膺貺施

賜宰相曾公亮已下辭南郊賜賚不允詔

勅公亮等朕初嗣服於祖宗之制未有所改也卿等
選於黎獻位冠百工或受或辭人用觀政朝廷予奪
所以馭臣貴賤有差勢如坐陛惟先王之制國用視
時民數之多寡方今生齒既蕃而賦入又為不少理
財之義殆有可思此之不圖而姑務自損祇傷國體
未協朕心方與勲賢慮其大者區區一賜何足以言

賜觀文殿學士新除刑部尚書知大名府

陳升之辭免 恩命不允詔

勅升之設都置守綏御一方付得其材乃能往又卿
嘉謀美績簡在朕心選於群臣用有昇屬申明紀律

臨制事幾中外踐更效皆已試勉祇厥服於義為宜
賜觀文殿學士刑部尚書知大名府陳升
之赴闕朝見茶藥詔
勅升之往司宮鑰來次郊闈炎敵之序未徂跋涉之
勤已至當馳榮賜以示眷懷

賜觀文殿學士刑部尚書知亳州歐陽脩
上表奏乞致仕不允詔

勅脩廢法名臣與國同體禮當得讓朕尚難之況年
非告老之時而勲在受遺之藉不留屏輔人謂斯何
姑體至懷少安厥位

賜知亳州歐陽脩陳乞致仕第二表不允

詔

勅脩仰勲德之舊簡在帝心從容一州足以休養而
抗奏至於四五必以田里為歸豈朕視遇故老有不
足於禮乎何其求去之果也欲喻至意莫知所言惟
能勉留實副勤侍

賜知亳州歐陽脩第三表并劄子陳乞致
仕不允詔

勅脩省所三上表并劄子奏乞致仕事具悉卿竭誠
三朝清明諒直有言有績著在朕心重違勤求外寄
藩屏邦之雋老不以遐遺所冀輸誠常存帝室而納
祿與我至于再三雖潔身之風可激貪冒顧許國之
義未協忠嘉姑體眷懷勉應圖任所請宜不允

賜觀文殿學士兵部尚書歐陽脩辭知青

州不允詔二道

勅脩海岱名都太公舊履鎮撫一路朕難其材卿實
元勳以忠許國謂當亟往卧以治之冀能優游寧此
東土

二

勅脩卿純誠直諒中外所知辭祿就閑志非有激進
官治劇義乃無嫌矧茲東州可以居息方之守毫勞
逸殆均朕命惟行謂當過往

賜荅曾公亮詔

旨哉變異以戒人君推之股肱朕所不取元勳舊德
實賴交脩謹告之來必緣象類明喻朕志使當天心
庶幾君臣並受遐福不務出此而果於辭權是惟保
身豈曰謀國

賜張方平免持支請俸詔

勅方平省所奏劄子陳免持支請俸事具悉卿躬爾
艾之材豫辯章之論致喪無貳雖非謀國之時班祿
有差是乃養賢之意抗言來諗引義甚明重鑿素懷
姑循近制

賜樞密副使右諫議大夫邵亢乞郡詔

勅邵亢卿先帝所命以翊朕躬升執事樞方觀勳效
遽欲辭位殆非所宜衛養少愆何憂不已勉共厥服
思協服心

賜皇伯新除彰化軍節度觀察留後安定
郡王從式乞免新命不允詔

物從式卿躬雋乂之材出神明之胃選於宗室則屬
近而行尊聞在朝廷又年高而德邵膺茲優顯人以
爲宜勉服官封永綏吉祿

賜涇原路經略使蔡挺茶藥詔

卿方用時材出分帥路適茲寒苦良已勤勞特推撫
賜之恩以示矜懷之意

賜天章閣待制知渭州蔡挺獎諭詔

封疆之虞責在將帥厥有績效不忘于心卿久以才
稱外分方任乘機踐事能兆厥謀板築告功于疆就
幕保彼居圉可無後憂倚言若茲朕所嘉歎

賜知唐州光祿卿高賦獎諭詔

召杜南陽世稱循吏其亡久矣朕尚思之卿招懷飢
流墾闢荒梗繕脩陂塢績効具昭前人之良何以逮
此閱奏歎美不忘于心

臨川先生文集卷第四十七

陳川先生文集卷第四十八

內制 部書 批荅 口五

賜齊恢贊論詔二道

賜勅獎諭審刑院詳以職官大理寺詳斷官

二道

賜勅獎諭蔡冠卿

賜燕度待罪

賜外任臣寮進奉功德疏

賜特放韓贊待罪詔

賜特放傅卞待罪詔

賜荅德妃苗氏賀正南郊禮畢詔

賜荅修儀楊氏等賀南郊禮畢詔

賜大遼賀正旦使副茶藥詔二道

賜大遼皇太后賀正旦使副茶藥詔二道

皇帝問候大遼皇帝皇太后書二道

賜南平王李日直加恩告勅書

賜溪洞田元宗等進奉勅書

賜占城楊卜尸利律隨般摩提婆勅書

批荅文武百寮曾公亮已下上尊號不允

二道

批荅曾公亮文彦博等賀壽星見二道

批荅富弼

批荅不允皇伯祖承亮辭免恩命四道

批荅韓絳邵亢陳升之等辭免恩命仍

來章二道

宣卷文武百寮稱賀宣德門肆赦南郊禮畢

三道

賜皇伯祖王元弼生日口宣

賜皇伯祖承亮加恩口宣

賜皇弟岐王顯生日禮物口宣

賜皇弟高密郡王生日禮物口宣

賜韓琦加恩口宣

賜韓琦生日禮物口宣

賜文彥博生日禮物口宣

賜呂公弼生日禮物口宣

賜富弼赴闕茶藥并賜詔口宣二道

賜陳升之赴闕朝見并賜茶藥口宣

賜富弼加恩口宣

撫問韓琦口宣

撫問陳升之兼賜車藥口宣

撫問鄜延路延州沿邊百寮口宣二道

撫問河北西路百寮兼賜夏藥口宣

撫問并代州路百寮并將校口宣

撫問高陽關路諸軍口宣

撫問送伴大遼賀正旦人使副口宣

撫問白溝驛賜北朝人使御進口宣

賜大遼國人使已下生餼口宣

賜大遼國人使瀛州口宣

賜大遼國人使就驛賜酒果口宣

北京賜大遼賀正旦人使御筵口宣

維州賜大遼人使御筵兼撫問口宣

就驛賜大遼人使酒果口宣

賜真定府路臣寮等初冬衣襖口宣

賜召馮京入院口宣

賜召滕甫入院口宣

賜天章閣待制知審刑院齊恢獎諭詔

勅齊恢省所奏據大理寺自奏司狀四月一日巳前下寺公案並已斷絕無見在事具悉卿以才被選典領祥刑激罪讞疑遂無留獄固空之隆朕庶幾焉聞奏數善不忘乃績

又賜知審刑院齊恢獎諭詔

勅齊恢犴獄之留易以為戒卿躬有美行服在近班與茲祥刑致用明慎濟之敏給廷讞用空吏稱厥官朕心所喜

賜勅獎諭審刑院詳議官大理寺詳斷官等

勅趙文昌等省知審刑院齊恢奏據大理寺日奏司狀四月一日巳前下寺公案並已斷絕無見在事朕初嗣服德化未孚永念元元多罹犴獄汝等並膺選擢任在讞疑能勵厥官以無留事覽奏歎尚不忘于懷

又賜獎諭審刑院詳議官大理寺詳斷官

等

勅趙文昌等四方罪獄常患稽留豈唯呼嗟或以瘦死汝等能勤且敏論獄用單閱奏念勞朕心以喜

賜勅獎諭權大理寺少卿蔡冠卿

勅蔡冠卿省知審刑院齊恢奏據大理寺日奏司狀四月一日已前下寺公案並已斷絕無見在天下之獄決於大理汝能審克不蔽厥成來讞之疑遂無留者惟明以敏朕實汝嘉

賜特放諫議大夫知潭州燕度待罪詔

卿受命方隅助宣德化茲凶弗率乃觸大誅引慝自歸謂當譴黜萬方有罪責在朕躬雖爾長民豈專任此

賜外任臣寮進奉功德疏

卿方以時材外分邦寄備修禋事來會誕辰廣加梵之勝緣協華封之善意載惟勤至良用歎嘉

賜特放知成德軍韓贄待罪詔

夫婦相殘政之大恥引愆自勅於義為宜然德化之美厥成在久任斯責者豈特長然

賜特放懷州傅卞待罪詔

勅傅卞先王教民長幼有序厥或不率歸之義刑卿受任方州罪人既得閔斯弗迪引責在躬美俗之成蓋非朝夕一夫抵冒未足以言

賜荅德妃苗氏賀南郊禮畢詔

勅德妃苗氏列職內官逮承先帝祀儀獲考慶慰惟

均比覽奏陳具昭誠意

賜荅修儀楊氏等馮翊郡君連氏等賀南郊禮畢詔

勅修儀楊氏舊繇德選列職禁闈釐事之成實均慶賴摘文贊喜良慰朕心

賜大遼賀正旦人使茶藥詔

勅卿以膚使之才將善鄰之禮川塗悠遠風氣互寒永念馳驅當加勞賜

賜大遼賀正旦副使茶藥詔

勅卿夙駕使車遠將信幣方茲寒凜固已勤勞宜申諭於至懷仍就加於寵錫

賜大遼皇太后賀正旦人使茶藥詔

勅卿奉將書敕更涉川途方茲互寒久於勤勤宜加勞賜以示眷存

賜大遼皇太后賀正旦副使茶藥詔

勅卿將幣造朝方申舊好建壇取道適會祁寒永惟跋涉之勞當有匪頒之寵

皇帝問候大遼皇帝書

嘉生備舍華歲幾終惟系講於鄰權想具膺於時福彌加葆衛永御吉康

皇帝賀大遼皇太后生辰書

玉燭告和方御閑藏之候椒庭集慶載臨誕毓之辰具飭使車肅將禮幣式脩舊好申祝永年

賜南平王李日尊加恩告勅書

勅南平王曰尊朕躬執圭幣禮成郊丘無有違通並
膺休福御鎮撫南服功昭于時乃眷忠勤尚加東顧
永肩巨節茂對寵章

賜溪洞知蔣州日元宗等進奉助南郊并
賀冬賀正勅書

勅田元宗附綏種落葆衛疆陲能來獻琛以贊釐事
忠勤之意良有可嘉

賜占城蕃王楊卜尸利律陀般摩提婆勅
書

勅卿世荷百祿躬有一邦雖道阻荒遐而志存欽順
具書遣使航海獻琛載念忠勤豈忘歎尚因加褒賜
式示眷懷

興曆川集四十八
批荅文武百寮曾公亮已下上 尊號第
一表不允

以薄德嗣膺基緒繼天理物常懼弗任方賴交修
以熙衆治群公卿士外暨庶黎欲舉鴻名措之眇質
臣民歸美爲義則多揣實揆時朕猶不取

批荅文武百寮曾公亮已下上 尊號第
一表不允

王者奉元以先後天時憲道以始終人事以文制禮
作樂以武戢兵豐財以成萬物之性爲仁以得四海
之心爲孝惟聖時克朕無能焉被之此名祇有慙德
矧家多難創鉅未夷備章而郊欲止不敢因自尊顯
良非本懷

批荅宰臣尚書公亮已下賀壽星見

省表具之乾象粲然官占以告壽祺之應於傳有稽
卿等寅亮帝工阜成邦采摛文告慶歸福朕躬書瑞
史篇已循故事星隆畧德尚賴文修

批荅樞密使文彥博等賀壽星見

省表具之穹昊見象以告壽昌嘉與臣民並膺茲福
卿等進繇德選登珥事樞敷奏兆祥請書史策志嘉
之意朕所不忘

批荅富弼

卿有憂國愛君之心而忠以忘乎己有經邦信時之
業而用未究其能夫蓄久而積博者施之無窮慮深
而計熟則謀無不獲此朕所以有望於卿也矧卿正
豈不回茲邪素忌小人所異君子所同是以在外十
年而左右之譽弗及處躬一德而搢紳之望愈隆朕
內度于心外詢于衆自謂有得卿其何辭

批荅不允皇伯祖威德軍節度使榮國公
承亮辭免 恩命第一表

知相予祠事既獲休成膺國寵章所宜祇受苟為謙
避未協眷懷

批荅不允承亮辭免 恩命第二表仍斷
來章

母位重朝廷望隆宗室駿奔郊廟助朕休成受錫為
宜可無確避

批荅不允承亮辭免

省表具之受釐于神人與有慶矧惟以屬德齒兼尊
膺此褒嘉於事爲稱往其祇命以副睿懷

批荅不允承亮辭免

省表具之古者朕膺之福與同姓共之矧茲大賚外
及璽箱爲吾近屬相協休成恩典所加豈容固避

批荅樞密副使韓絳邵立知樞密院事陳
升之等辭免 恩命仍斷來章

省表具之祭有惠術賚及庶黎矧吾政事之臣當在
褒揚之首膺斯恩典於體爲宜毋或終辭以勤訓告

批荅韓絳邵元陳升之等辭 恩命不允
仍斷來章

卿等位爲巨宗躬相祠事膺斯褒顯於體爲宜往服
寵章可無謙避

宣荅文武百寮稱賀宣德門肆赦

有制朕升煙泰時登就吉儀駐蹕端門布宣惠澤臣
鄰協豫黎庶交欣賴天之休與卿等內外同慶

宣荅文武百寮稱賀南郊禮畢

有制朕裸獻清廟燎禋泰壇協相祀儀旣嘉勤績旅
陳賀禮彌見歡誠賴天之休與卿等內外同慶

宣荅樞密使以下賀南郊禮畢

有制朕親稱幣玉祇見郊宮能底熙成實繇顯相群
靈率籲黎獻交欣朕賴天之休與卿等內外同慶

賜皇伯祖東平郡王允弼生日口宣

有勅卿齒尊德茂屬近位崇惟時獻歲之期實兆元

精之慶當加好賜以助燕私

賜皇伯祖威德軍節度使榮國公承亮加

恩口宣

有勅朕躬率百辟虔封萬靈乃眷親賢實陪大事當
懋寵嘉之數以昭褒錫之恩

賜皇弟岐王顯生日禮物口宣

有勅卿地親魯衛德茂間平方誕毓之嘉辰有匪頌
之故事當馳膺使往喻隆恩

賜皇弟高密郡王生日禮物口宣

有勅卿德名方邵爵寵兼崇誕毓之辰甫當穀旦匪
頌之禮式示至恩

賜淮南節度使守司徒兼侍中判相州韓

大曆川集四十四

九

琦加恩口宣

有勅卿位高朝廷德茂百辟相予釐事厥有成勞膺
國寵章是為常典

賜判東興軍韓琦生日禮物口宣

有勅卿位重將旄望隆宇席方懋蕃官之績載臨誕
毓之辰當有匪頌以昭眷遇

賜樞密使西川節度使守司空兼侍中文

彥博士生日差內臣賜羊酒米麵等口宣

有勅卿明謨經國碩望冠朝方茲誕育之辰宜有燕
私之禮當加賜賚以示眷懷

賜文彥博士生日差內臣賜生日禮物口宣

有勅卿才隆國棟位極臣宗惟時盈月之良實兆元

精之慶載臨教旦當致異恩

賜樞密使呂公弼生日禮物口宣

有勅卿為皇世臣掌國機命門孤吉慶是謂嘉時臺
覬致恩式昭厚遇

賜觀文殿大學士尚書左僕射富弼赴闕

茶藥口宣

有勅卿久辭劇位外寄方州惟召節之既嚴想朝於
之甚邇宜頒珍劑以喻至懷

賜觀文殿大學士尚書左僕射富弼湯藥

并賜詔口宣

有勅卿屏翰元功台衡舊德數更悲學有惻朕心因
喻至懷宜頒珍劑

賜觀文殿學士刑部尚書知大名府陳升

之赴闕朝見并賜茶藥口宣

有勅卿擁節過都皦關請覲方茲炎溽固已勤勞當
有匪頒以資輔養

賜觀文殿大學士尚書左僕射判汝州宣

弼加恩口宣

有勅卿望隆時棟德茂臣宗方茲釐事之成爰有命
書之賜往膺褒顯當體眷懷

撫問判永興軍韓琦口宣

有勅卿內辭鼎軸出撫方垂載惟莅事之勤宜鄉齋
神之福特申勞問以示眷懷

撫問觀文殿學士陳升之兼賜夏藥口宣

有勅卿又叅台路方部將符輜瑞之來虛懷以貯宜加勞賜式示眷存

撫問廊延路臣寮口宣

有勅卿等並膺廷選外寄邊虞未念撫循備更勞勩方茲妍暖宜各寧安

撫問延州沿邊臣寮口宣

有勅卿等並因材選外寄邊虞方履盛秋想膺多福特申撫喻當體顧懷

撫問河北西路臣寮兼賜夏藥口宣

有勅卿等時方鬱蒸氣或疰癘未惟黎獻方寄外憂當有分頒以助調養

撫問并代州路臣寮并將校口宣

有勅卿等方以材能外分寄屬當此返寒之極永惟勞勩之多當飭使人往宣朕意

撫問高陽關路俵散諸軍特支銀鞋錢并

傳宣撫問臣寮口宣

有勅卿等各以選掄外膺寄屬比更時序邈在邊防永懷扞禦之勞當致拊循之意

撫問送伴大遼賀正旦人使副沿路相逢

賀大遼皇太后皇帝生辰使副口宣

有勅卿等抗旌出聘擁傳還朝方春尚寒涉道良苦當加撫勞以示眷懷

撫問雄州白溝驛賜北朝賀正旦人使御

筵口宣

有勅卿等送應朝選實鄰歡擁節在疆方豫之禮馳輟喻指姑推仁德之恩

賜大遼國賀正旦人使已下生餼口宣

有勅卿等奉將鄰聘來會歲元永懷跋涉之勞宜有餼牽之禮式昭勤遇當體誠懷

賜大遼國賀正旦人使却迴瀛州御筵口宣

有勅卿等奉將書幣既獲驩成跋涉川途固更勤勤宜頒燕衍以示眷懷

賜大遼國賀正旦人使見訖就驛賜酒果口宣

有勅卿等奉將鄰聘夙駕使輅既造見於闕庭方即安於舍館宜加好賜以致誠懷

北京賜大遼賀正旦人使却迴御筵口宣

有勅卿等奉幣造朝抗禮歸國純懷使節方次都畿特示燕私以將勤遇

雄州賜大遼賀同天節人使却迴御筵兼撫問口宣

有勅卿等抗禮歸國總轡在疆方茲炎歊亦既勤勤就頒燕衍式示眷懷

就驛賜大遼賀同天節人使却迴朝辭訖酒果口宣

有勅卿等奉將聘禮來會誕期惟鄰好之踐脩嘉使容之飭備當申頒賚以侑燕私

賜旨定府路臣寮等初冬衣襖口宣

有勅卿等水澤將堅風颯載厲永懷黎獻方寄外憂
當飭使輶就頒篋服

賜召學士馮京入院口宣

有勅卿文備國華學該世務祥琴既御吉服以朝宜
復禁塗往供辭職

賜召滕甫入院口宣

有勅卿夙稱才敏久擅文華當解風憲之嚴以豫論
思之密

臨川先生文集卷第四十八

外制

召試三道

節度使加宣徽使制

翰林學士除三司使制

誠勵諸道轉運使經畫財利寬恤民力制

皇姪英宗舊名可起復舊官知宗正寺制

皇姪知宗正寺英宗舊名可岳州刺史充本州團

練使制

司馬光知制誥制

司馬光改天章閣待制制

馮京權知開封府制

范鎮加修撰制

趙抃兼侍御史知雜事制

韓績改殿中侍御史制

沈立李大臨朱壽隆可三司戶部度支鹽鐵

判官制三道

李壽朋陸經張洞開封府推官制三道

王陶皇子伴讀制

施昌言知渭州沈遒知杭州李光知鄧州制

三道

李柬之判西京留守司御史臺制

綽知徐州鞠真知壽州何郊知永興軍

潘鳳翔知州制四道

余靖司馬光張瓌加恩以三道

賈黯蔡襄王珪范鎮馮以余靖李柬之轉官

加勲邑食邑制七世

呂公弼工部侍郎制

司馬光禮部郎中制

周沆右諫議大夫制

沈遘起居舍人制

掌禹錫趙良規並秘書監制

王綽秘書少監制

李丕緒少府監制

宋任呂公孺馬從先解賓王並太常少卿制

三道

召試三道

節度使加宣徽使制

門下推轂授師擁旄乘塞擅生殺之柄于外繫安危之體于中厥有顯庸宜膺寵數誕揚乎號明示庶工具官其學足以通大方謀足以斷衆事有經天之業有并城之材比以明揚屢更煩使遂躋膺仕良副訏謨維塞路之重藩實兵防之重寄職爾鎮撫紆予顧憂蓋爵賞之加不遺於近小豈藩維之任顧可以弭忘用是疇其勞衆之勞寵以宣猷之號繫人謀之衆允匪朕志之汲私夫任重者其憂不可以不深位高者其責不可以不厚號名之美禮秩之崇非期假寵以增榮茲用論切而取稱引夫守國之圖謀之師

聯輔相之籍於殿中居士民之瞻於天下其思抵慎以副褒優可

翰林學士除三司使制

勅三司使天下之盛選也自尚書六官名存實去而三司之職事所總居多則非夫仁明肅艾足以輔世濟物者奚宜任此哉具官某有疏通之才有直亮之操闕言崇議足以經綸王家高文典策足以鼓動當世遂以人望揚于禁林若夫施政之後先生財之本末蓋嘗深思而熟講殫見而洽聞則居天下之盛選主朝廷之大計詢考在位孰如汝宜夫聚天下之衆者莫如財理天下之財者莫如法守天下之法者莫如吏維予任汝其聽勿疑法之不善者汝得以議而更吏之不良者汝得以察而去則夫調度之不特費出之無常邦用之不給元元困於征求而愁怨於下者直汝之恥也夫行已有恥而後可以爲士矧吾左右信任詢謀所同而觀聽之所在者乎往祗厥官其亡以寵利而爲士恥可

誠勸諸道轉運使經畫財利寬恤民力制

夫閔仁百姓而無奪其時無侵其財無耗其力使其無憾於衣食而有以養生喪死此禮義廉恥之所與而二帝三王誦勅百工諸侯之所先後世不可以忽者也朕夙興夜寐聽治不怠園游官室之觀無所增飾而躬以儉先天下之七然而不忍人之政考諸先王未有

及也凶年飢歲民之上下婦首有

不得保其家室而放乎溝壑者吏或不良不知所
以賑救省憂之方而使之至此耶今吾別諸道置使
者使得察吏之良否而視民之疾苦輒具以言而任
事者或不惟朕志之所急而以侵牟之爲故甚非所
以遣使者慰安元元之意也夫轉輸天下之財以給
有司之費皆有常數而無橫求誠能御輕重斂散之
權而禁因緣之姦則何患乎經入之不足彼前世良
吏能紓其民而官事亦不耗廢者豈有他哉亦在乎
勉之而已若乃操聚斂之贏以爲功而不知百姓與
足之義非惟逆於朕志而有司考績之法亦將不沒
容焉朕言維服其聽毋怠可

皇姪右衛大將軍岳州團練使英宗可起

復舊官泰州防禦使知宗正寺制

勅先王糾合宗族而分職以治之所以嚴宗廟也宗
廟嚴則禮俗成而天下治其事豈可以輕哉今朕選
於近屬以脩宗正之官亦先王治親之意也以爾具
官某惠仁孝恭忠信純篤故遷厥位以稱禦侮之實
而使任事焉夫士之欲施於政未有一不學而能者學
所以修身也身修則無不治矣朕言維服爾往懋哉
可

皇姪右衛大將軍泰州防禦使知宗正寺

勅孝子之思慕惡窮而送終有既者先之禮也具

百某世傳克華此良於也去位宗正寺三

還位號復序內朝朕命維新往欽無斃可

起居舍人直祕閣同修起居注司馬光知制誥制

勅先王誥命之文何其雅馴而奧美雖出命非有司之事而討論潤色蓋有助焉以爾具官某操行修潔博知經術庶乎能以所學施於訓辭俾掌書往詣朕志可

起居舍人直祕閣同修起居注司馬光改天章閣待制制

勅揚雄曰周之士也貴秦之士也賤周之士也肆秦之士也拘蓋先王以禮讓為國士之有為有守得伸其志而在上不敢以勢加焉朕率是道以君多士以爾具官某文學行治有稱于時故明試以言使司告命而乃固執辭讓至于八九改序厥職以伸爾志是亦高選往其懋哉可

翰林侍讀學士右正言馮京改翰林學士知制誥權知開封府制

勅學士職親地顯而開封典治京師非夫忠厚仁恕而有文學政事之能孰可以任此具官某造行直方受材博敏踐更中外休顯有稱論思禁林尹正畿甸詢謀惟允其往懋哉可

范鎮加修撰制

勅昔周人藏上古之書以為大訓而孔子春秋天子之事也蓋夫討論一代之善惡而撰次以法度之文

章非夫通儒。達才有識。足以知先王不欺。足以信後世。則孰能記尚書春秋之義。勒成大典。而稱吾屬任之。指乎以爾。具官某有該通之材。有純潔之操。辯論深博。溢於文辭。論思禁林。時議惟允。則夫案善惡。見聞之實斷。是非去取之疑。人之所難宜。以命爾。爾其精思孰考。自勉以古之良史。毋襲近世比事屬辭之失。使來者無所考稽可。

右司諫趙抃禮部員外郎兼侍御史知雜事制

勅某朕置御史以爲耳目。非更事久而能自稱職。則不以知雜事也。以爾嘗任言責。有猷有爲。行義之修。士人所譽。故遷郎位。使在此官。悉其誠心。迪上視聽。義之與比。時乃顯哉可。

屯田員外郎韓緝改殿中侍御史制

勅某朕使學士五人舉二人以爲御史。又於二人擇取一人。而以汝爲之。汝名臣之子。世載榮閭。愷悌忠信。學知大方。無蔽于儉。人無撓于大吏。無迪上以非先王之典。而同乎流俗。時汝稱職。往其勉哉可。

兵部郎中沈立可依前官充三司戶部判官制

勅某擅一道之財。而開闔斂散之。以給縣官之費。而又察舉吏士之賢。不肖問民之疾苦。與夫入佐三司。而四方之言利者。必稽焉。其職事之責。等爾。汝以才能屢試而行義。加修使于東南。歲月久矣。還理掌計。

之治所以慰將命之勞惟爾博學多聞固嘗知夫百姓與足之義古人有言曰尊其所聞則高明行其所知則光大矣可不勉哉可

度支員外郎充祕閣校理李大臨三司度支判官制

勅某天下之食貨皆領於三司故朕常難於置使而又考慎其屬以稱之爾以文學爲官而政事嘗有所試清明敏達可使治煩往踐厥官其知所守矣可

金部郎中朱壽隆三司鹽鐵判官制

勅某取於山海之無窮以助縣官之不給所以開闢斂散之不可以無術也非夫廉辨敏明之吏孰能任此者乎爾純行美材久於煩使往共厥服維是勉哉可

度支員外郎李壽朋開封府推官制

勅某朕布大慶於天下惟士之有能有爲而不獲盡者豈一日而忘哉爾以政事之材而濟之文學無所避憚以修厥官陷于吏議失職久矣尹正叢甸四方所瞻姑往佐之以永民譽可

殿中丞充集賢校理陸經開封府推官制

勅某天下無事休養生息百年於此而京師之人衆矣獨開封以一尹治之故朕常慎擇材士以爲之佐庶幾乎其不勞而治也爾材茂質美久於湮陬而智

能彌行差加修姑使治煩往其自勉可

太常博士充祕閣校理以洞開封府推官

勅某開封任軍事最以常擇才士以為之佐爾以文章學問列職校讎出試一州風績彌膺此選選往其勉哉可

左司諫王陶言皇子伴讀制

勅某自天子至於士未有不待學而成者今朕欲進諸子於學求可與居者有而大臣以爾為言爾久在諫工有聞於世茲惟慎選可不勉哉可

樞密直學士施昌言知渭州制

勅夫出河秘文中嚴於禁閣臨渭分關外肅於戎亭進陪侍從之職往膺經略之寄茲為異數授受惟艱具官施某才劭兼人問望映世早據素蘊寔階清塗

開元九年

南榻計庭禪贊之功可紀西廂樞府論思之効尤彰洎出總於藩條且履制於邊瑣事經畢舉政績用成宜易餘杭之符就撫氏羌之塞爾其坐護諸將善固吾國而今而後無西顧之憂者繫爾之力可不勉哉可

知制誥沈造知杭州制

勅東南奧區杭越重鎮必有惟師帥之選屬于侍從之良宜有褒優式示毗倚日共官某風姿爽拔器宇閑深早登高妙之科亟躋通顯之列校文東觀典學擅筆多聞演誥西垣英辭鼓而丁群動比抗章而請郡朝請膳以奉親曾未暮年已闕報政乃就更於淮海庶便於庭闈載念錢塘之印下方虛銅虎之守宜共勉

之命仍選應宿之資服我新田 龍爾故里與夫引會
稽之紱又相萬也爾惟懋哉可

龍圖閣直學士知河陽李允給事中依前
龍圖閣直學士知鄧州制

勅鄧於京西爲一都會提兵以守常擇大吏且有加
命寵榮其行具官其寬和靜以方厚篤實嘗由御史
遂爲諫官延閣侍從之班方維帥守之任焯有績效具
於事爲序于東省之華寄以兩陽之重按撫吏士治軍
牧民敷宣詔條鎮靖風俗繫汝能力往其勉哉可

龍圖閣直學士李柬之刑部侍郎充集賢
院學士判西京留守司御史臺制

勅古之仕者難進易退陵夷至於後世而禮義廉恥
幾乎息恬於勢利者鮮矣而苟得躁進者不乏於朝
教之未孚朕甚患之顧吾左右親近之臣行義合於
古之仕者宜從其志使在位之貪者有愧而慕焉具
官某名臣之子能自修敎出備蕃維之任入爲侍從
之官而乃力辭顯榮退就閑職別都執憲地清務簡
特峻秋官之秩仍通曩正之班吾惟爾嘉其往居息
可

知雜王綽吏部郎中直龍圖閣知徐州制

勅某知雜御史於朝廷之士爲高選非精明彊直不
能稱其任也爾更踐多矣有聞於時故從遠方召置
此位乃以病告至于再三出臨大州進直嚴閣又增
郎位以寵爾行其亦懋哉往共厥服可

集賢校理鞠真卿可光祿寺丞依舊在集

賢校理知壽州制

勅某付之千里之地能禁暴去悍拊循鰥寡使良民有以休息而吏不敢為侵寬豈非所謂能者哉若爾之材歷選于朝而又試于外固時之所謂能者朕所加省而不忘今夫壽劇郡也故徙汝以治之而稽汝歲功當得遷位承于光祿其往勉哉可

何邦知永興軍制

勅朕初即位慎考俊乂之臣付之方鎮具官某廉清質直敦大詳敏藝文之學政事之材左右具宜以有聲績作國西屏雍維大都鎮撫一方老成是賴序遷厥位往牧其人其勩猷為以膺任屬可

潘夙轉官知桂州制

勅某桂於西南為一都會竊思夷荒忽鎮撫有宜故於用人常慎其選爾清明敏達寬博惠和更事有功簡在朝論遷序即位往其勉哉可

尚書左丞余靖制

勅朕有大賚雖疏迹微細必加焉況於位序高任屬重寵章微數其可略乎具官某政事之材藝文之學踐更中外光顯有聲濟登大台是鎮撫荒服能率厥職相時休成衍食序勳往其祇服可

天章閣待制司馬元制

勅陟降左右司朕躬之闕者王親篤信之臣也邦有大賚其可以後而忘乎具官某政事藝文操行之

美有聞於世簡在朕心相時明禮尤事惟謹進階序爵其往懋哉可

尚書戶部郎中知制誥張瓌制

勅朕宗祀先帝以配昊天而均福釐於在位疏遠微賤無遺者矣又況於侍從之臣乎具官某德厚資深志方行潔安於義命爲世寶臣考慎樂禮相時大事進階序爵其往懋哉可

翰林學士知制誥賈黯轉官加勳邑制

勅朕初即位奉行先帝故事不敢有廢也具官某剛毅篤實閱深博敏先帝所遺以論思左右者也其遷厥位加賜恩典其往欽哉可

翰林學士知制誥權三司使蔡襄轉官加

食邑制

勅朕祗若先帝之初大賚以勞天下職親地禁之臣皆先帝所遺以助朕者也其可以復而忘哉具官某率德秉義以綏寵祿主國大勳昭于時班命有章往欽無斁可

翰林學士兼侍讀學士知制誥充史館修

撰王珪轉官加食邑制

先帝投天下之艱以屬朕身永惟所與濟此者豈非左右之良哉具官某秉哲迪義士民所望論思潤色有補於時大賚之恩外通四海況於親近豈可以忘往服寵章愈其慎茲可

翰林學士知制誥充史館修撰充鎮轉官

加勲邑制

勅朕雖哀恫永惟付託之重不敢忘先帝寵綏海內褒厚羣臣之意具官某敦大閎博清明敏達職親地密為國信臣遷序位等申之恩典惟慎厥服往膺顯榮可

翰林學士知制誥權知開封府馮京轉官

加勲邑制

先帝以盛德成功克終天祿眇然在疚永念嗣訓非左右之良孰與濟此哉具官某秉哲蹈義士民所望尹正京邑善聲流聞邦有大賚當由貴始往膺榮祿無替厥修可

集賢院學士余靖轉官加勲邑制

先帝君臨天下餘四十年功德之所及博矣非文武之士協力中外何以致此哉在後之侗纂修成法敢忘大賚以勞衆工具官某敦大閎深清明敏達蕃屏帝室厥功茂焉恩典寵章往其欽服可

集賢院學士李柬之轉官加勲邑制

先帝棄天下不及班命以勞羣臣朕繼大統其承厥志具官某廉靜忠恕濟以詳敏能紹世美為時名臣膺服寵章往其思勵可

龍圖閣直學士給事中呂公弼改工部侍郎制

郎制

勅褒德序功制為祿位先帝所以熙庶政也朕雖在疚所不敢忘具官某保身慎行舊有榮聞陟降左

右是為立正憲綏西南風信九鼎冬官之賦其往欽哉可

待制司馬光禮部郎中制

初左右侍從之臣皆先帝所遺以助興政理者也
有勞可錄朕敢忘哉具官某行義信於朝廷文學稱
於天下比更任使會課當遷進位二等以嘉爾績爾
方以經術入侍而又兼諫爭之官往其思致厥身使
朕之聰明無所不通爾亦維有無窮之聞可

周沆右諫議大夫制

勅堯舜黜陟幽明之法其詳不見於經蓋其考績之
次序必始於朝廷之貴者朕率是道進退百官故於
邇臣無有私德以爾具官某忠厚謹潔惠和寬博嘗
被方維之重任久參侍從之要官內外之勞皆宜有
賞而以稱士失實控于吏議為郎武部七歲于茲著
論積功進位西省夫職在盡規之地官又以諫為稱
維是將明往其思勉可

右正言知制誥知越州沈遵起居舍人制

勅列名侍從分職方維厥有庸勲朕其甄序具官某
端良足以有守精敏足以有謀為時寶臣典掌明命
出撫州部治聲流聞內外之勞進遷惟允序官二等
以懋厥勤是謂寵榮往其祗服可

李禹錫趙良規並祕書監制

勅祕書圖籍藝文之府而置監在光祿衛尉諸卿之
右其材實德望當有以稱之以爾具官某等歷官茲

久服采惟序子卿位簡在朝廷宣帝詔條討論典故久於任使亦各有勞宜推增秩之恩以信懋功之法往從官次無或不祗可

王綽祕書少監制

勅朕初嗣位大賜天下文武在位各以序遷具官某出入踐更名聞休顯奉常之副用勞厥勤乃辭官榮以避親諱緩子孝子改貳祕書往服寵章靖共無斁可

光祿少卿李丕緒少府監制

勅少府古官於朝廷之位尊顯矣具官某行義祗飭材能敏達外更器使績用每成有司以聞又當增位往膺秩物無怠厥修可

司封郎中宋任太常少卿制

勅士以序遷至於卿位亦榮矣非才智有以任事行義有以保身豈能致此具官某中外踐更久於郎選明習眾事見稱於時往即厥官勉之無斁可

江南西路轉運使呂公孺太常少卿制

勅某太常兼葦與伯夷之事非夫藝實德望有以過人孰宜爲之貳也爾名預之子以才見稱出入踐更休有風績序遷厥位其往欽承可

職方郎中通判太原府馬從先太常少卿制

勅某太常禮秩異於諸卿非文學入官則不得爲其貳也以爾行治之美才能之敏踐更多矣皆有可稱

會課于朝躋登此位往來自稱惟既厥心可

解賓王太常少卿制

勅其今之太常兼蔓與伯夷之官非夫寅恭清明博習於禮樂則孰能爲之貳也今朕考行序勞而以爾爲貳於太常維爾嘗以材稱而屢更任使雖身在外而名位亦云顯矣所以稱此者可無勉哉可

臨川先生文集卷第四十九

外制

三司監鐵 副使陳述古衛尉少卿制

郭永光祿少卿制

林億司封 薛求司勳郎中制二道

齊恢度支 張景憲金部郎中制二道

陳述古司封郎中趙抃戶部員外郎張燾刑

部郎中制三道

朱處約孫抗孫琳並祠部郎中制三道

王陶杜千能祠部張燾兵部郎中制三道

苗振職方王舉元刑部郎中制二道

王綽刑部郎中制

胡況周燮都官宋孝孫比部郎中制三道

錢暄比部王繹工部郎中制二道

李章周延雋實綱上紳朱從道晁仲綽鄭隨

並屯田郎中制七道

杜訢屯田員外郎制

薛仲孺虞部郎中制

楚寔中邪夢臣王昇張師顏晏成裕並司封

員外郎制五道

蔡抗度支員外郎制

蘇察王益柔並兵部員外郎制二道

錢公輔祠部員外郎朱延世虞部鄭伸駕部

員外郎制三道

許遵陳汝義章俞韓繹劉牧王易知竝職方
員外郎制六道

謝景初何世昌陳安道龜仲約唐諱林大年
竝都官員外郎制六道

胥元衡李處厚竝屯田員外郎制三道

呂元規可駕部員外郎制

吳充劉敞轉官制二道

劉覺等轉員外

王伯恭王允李正臣劉叔寶轉官制四道

三司鹽鐵副使陳述古衛尉少卿制

勅某考課黜陟之法雖疎迹未嘗不信又况於近而
顯者乎具官某以才自奮能世其家出入踐更休有

臨川集三十

二

風績列卿之貳其往勉哉可

郭永可光祿少卿制

勅某外廷之位能至於九列者少矣具官某踐更衆
職功善自昭年除歲遷以致卿位進寵一等往承惟
休可

林億司封郎中制

勅某朕有官祿慶賞以序功而其施始於朝廷之近
爾以藝文被選而多所踐更通籍禁中庄官闕下序
遷卽位既極左曹往卽寵榮愈其勵勉可

薛求司勳郎中制

勅某朕布大號在廷文武之士皆得進官一等而伐
闕當遷者又各得以序遷爾中外踐更以才自顯膺

此恩典往其勵哉可

權提點成都府路刑獄齊恢度支郎中勅某朝廷選實才臣以使諸路而空庶獄之不幸厥有庸勲朕當甄序爾才能行義士論所稱會課有司實應遷法往膺休顯其愈懋哉可

淮南轉運副使張景憲金部郎中制

勅某入佐三司出使諸路皆朝士大夫之高選有勞當錄其可忘哉爾行義之修才能之邵見稱當世簡在朝廷會課進官往其欽服可

三司鹽鐵副使陳述古朝奉大夫司封郎中三司度支副使趙抃戶部員外郎加上輕車都尉權三司戶部副使張燾朝散大

夫刑部郎中制

勅某人等朕初嗣位奉行先帝故事不敢有廢也具官某等行義稱於世才能見於朝佐國大計為功多矣序遷位等其往欽哉可

朱處約祠部郎中制

勅某爾嘗為御史持論不阿出守方州稍遷使在序功增秩邦法有常往懋厥修以須進選可

孫抗孫琳祠部郎中制

勅某人等都水之官廢久矣朕修之而用爾為丞爾維才能懋建厥事有司論課當以時遷進序名
提點數可

提點福建路諸司刑獄公事王罔祠

勅某朕選賢履者清明于諸路所以待之非輕也爾
改更眾矣才美有稱備在遠方能修其職進遷位等
往愈懋哉可

權提點廣南西路刑獄杜子能祠部郎中
制

勅某朕初即位羣臣朝者皆增位一等有功當遷又
皆得以序進爾材請行治見稱於眾奉使于外治聲
流聞會課進官往其祗服可

三司戶部副使張燾兵部郎中制

勅某考績三歲連官一等先帝所以勵羣臣也具
官某秉哲迪義有聲于時能勵厥修以宜官政序功
增位其往欽承可

苗振職方郎中制

勅某尚書郎中序列五品其於朝廷之位亦已顯矣
爾用選擇嘗更任使積功久次得在此位所居三歲
宜進一官至今而後得遷乃以爾嘗有謫朕於黜陟
言苟然哉自爾取之而已往思自勉以稱褒升可

王舉元刑部郎中制

勅某雋非其人而與甘共罰古之道也爾以才實外
更任使爾績之邵非不稱而任舉有失法當坐免
雖更赫今猶號一官以懲上報之稽而塞人言之衆
膺踐服往其勉哉可

侍御史刑事判都水監王緯刑部郎中

制

勅某御史皆吾耳目之官而折百工以法刑之中者也考其功狀在法當遷則吾豈可以忘哉以爾具官某忠厚諒直有稱於世踐更衆職皆以能聞故實之臺中位次執法名實之善允于人言姑疇積功序進一等位亦顯矣往其勉哉可

胡況都官郎中制

勅某爾以才行自昭于時外分將符內序郎位致勤厥職三歲于茲稽狀有司法當增位進遷一等其往懋哉可

周燮都官郎中制

勅某褒善錄勤邦有常法爾以才能行義登顯朝廷序正郎位三年於此矣進遷一等以懋厥勤勵治我民乃其能稱可

宋孝孫比部郎中制

勅某褒功錄善邦法有常爾共厥官服采惟謹又於郎選會課當遷愈其勳哉以稱新命可

監在京都鹽院錢暄比部郎中制

勅某古者官有職而命有數非有職不足以序群才非有數不足以差衆功今官有品猶古之命數也命之數自一推而上之至于九官之品自九推而上之至於一大略蓋無以異而其詳如此不同唯其欲得賢者之在位則古今一也爾以才能行治進序於朝年除歲授既得列於五品以於職事法又當遷其亦

可謂寵榮光顯矣其思自勉以稱吾欲得賢者在位之意哉可

三司戶部判官充祕閣校理王繹工部郎中制

勅某三司理財之吏與館閣校文之官皆朝廷雋乂之選也其於進秩有異數焉爾以藝文世家而祇慎謹飭久在此位有勞當遷序于名曹其往思稱可

李章屯田郎中制

勅某褒善錄勤朝廷之政爾才能行治比見推稱會考績之法當增位序進遷一等其往懋哉可

周延雋屯田郎中制

勅某郎中五品而司田以待藝文之士爾大臣之子強學贍辭出典一州序功當進往祇厥位其克懋哉可

職方員外郎竇綱可屯田郎中制

勅某漢明不以郎官假貴戚以出宰百里為不可以非其人今之郎選其重非漢比也而郎中序于五品其授豈可以輕哉爾以文藝起家以吏能從政序遷此位嘉寵爾勞往服訓辭勉求報稱可

職方員外郎卜伸可屯田郎中制

勅某郎中序列三等其品皆為第五非積功久次則不得至焉爾以文藝入官而濟之謹潔久於任使當得進遷茲維爾階其往祇服可

職方員外郎宋從道可屯田郎中制

勅某尚書郎選於今重而郎中列于五品爾精敏
強果号為才臣積功而勤以致此位往共厥服其愈
懋哉可

是仲綽郎陟可屯田郎中制

勅某郎中序列五品其久於任使有勞而無罰則罕
得至焉爾以文藝起而承以才能為吏稱功累善當得
進遷往其懋哉思稱新命可

太常博士推御史臺推官杜訢可屯田員

外郎制

勅某尚書郎位吾所重也爾名臣之子行義修飭才
能有譽而職事無過之奮官稽狀當以特遷新命維休
往其祇服可

駕部員外郎薛仲孺可虞部郎中制

勅某郎中五品於朝之為顯位爾悉心為吏才敏見
稱嘗所踐更咸有功且取進遷惟允其往懋哉可

提刑楚建中可司封員外郎制

勅某朕置使者以察天下之獄其選擇甚難而親遇
之甚厚序功錄善其不可忘乎爾行治才能有聲於世
服官惟稽會課當遷以懋爾勞往其祇訓可

侍御史邢誥及臣可司封員外郎制

勅某侍御史於御史之選為高而尚書郎以司封為
前列爾才能行義嘗見推稱於有言職為一臺高選
任責未及序勞當遷任副司封愈其自勉可

部員外郎充秘閣校理王巨可司封員

外郎制

勅某爾以藝文高第進仕朝之廉靖謹良有稱於世校文祕閣典事方州甄序歲之進遷惟允往共厥服其愈懋哉可

權梓州路提刑都真外郎張師顏可司

封真外郎制

勅某爾修潔精敏達於從政甘更任使皆以才稱故以一路之庶獄寄之督察方行就事會課當遷往懋厥修以求稱職可

度支真外郎充崇文院檢討晏成裕可司

封真外郎制

勅某爾以文藝之學在討論之官承于太常典掌禮樂有勞可錄其以序遷於世臨川集五十一八家爾為能保往思淑慎無廢厥勤可

祠部真外郎充祕閣校理蔡抗可度支真

外郎制

勅某序功錄最邦法有常惟敏厥修乃能自稱爾以校讎之選受吾蕃屏之寄能能行治見譽於時而會課有司番遷厥位官無虛往往可勉哉可

權利州路轉運使度支真外郎蘇宗可兵

部真外郎制

勅某朕欲明清于吏民而擢使使以涖之非特使之轉貨財以贍有司而已也爾敏敏謹潔達於從政往充其選克有成勞序進一官使使乃服可

三司鹽鐵判官度支員外郎集賢校理王

益柔可兵部員外郎制

勅某任賢使能而繼之以黜陟先王之所以治未有
改此者也爾惟賢故序于校讎之職爾惟能故列于
會計之官稽狀有司法當增位其遷一等以懋爾勞
可

太常博士充集賢校理同脩起居注判三

司度支勾院錢公輔可祠部員外郎制

勅某序功黜陟邦法有常爾文章博美行義純潔施
於政事又以材稱會課進遷蓋維常法往祇厥位其
亦懋哉可

國子博士朱延世可學部員外郎制

勅某尚書虞部掌天下之山澤而脩其時禁郎官職
事雖廢而官名猶貴於時非歷試而有勞即不得以
在此位若爾之潔廉畏慎蓋知所以自保矣其愈懋
哉可

比部員外郎鄭伸可駕部員外郎制

勅某爾勤敏謹潔以脩厥官會課有司當得遷位司
與之副其往懋哉可

都官員外郎許遵可職方員外郎制

勅某爾進以藝文而兼通律令之學故於為吏常以
才稱第課有司當得進但祇予新命厥往懋哉可

都官員外郎許汝義可職方員外郎制

勅某審官之法吏有勞無罪至於三歲則遷位一

等亦所以勸也爾之學政事有稱於世久更任使會
課當遷往服寵章愈其思勵可

都官員外郎章俞可職方員外郎制

勅某爾以藝文之學政事之材所更滋多皆有善最
三載考績法當進遷往踐厥官愈其思勉可

韓繹可職方員外郎制

勅某三歲一遷審官馭吏之常法也然非智謀忠力
能舉其職事者亦何以稱此哉爾績德善之慶而以
藝文自奮施於吏政強敏有聲膺此寵榮其知勉矣
可

都官員外郎劉牧可職方員外郎制

勅某朕置使者以察諸路而選才士以佐之爾行義
智能比見稱述往其職事會課當遷懋勉厥勤以稱
官使可

都官員外郎王易知可職方員外郎制

勅某爾久於試用常以才稱出守一州可有為矣而
有司會錄當得進官往既厥心以抵子訓可

屯田員外郎謝景初可都官員外郎制

勅某同官司土三歲則稽士任進其爵祿而方今審
官之法用焉爾名臣之子操行修潔文學政事有稱
於時審官序勞當以時進往踐爾位厥維懋哉可

屯田員外郎何世昌可都官員外郎制

勅某尚書之寶多廢矣而郎位尚為朝廷所重爾藝
文操行政事之材推本進遷以至於此出位州治論

應條改序中行往其祇服可

屯田員外郎陳安道可都官員外郎制

勅某士夫奉法循理以共厥服至於三歲而無咎罰其可無進遷之法以慰勉之哉爾藝文起家而行義脩飭比更器使實以才稱往服寵章愈其思勉可

屯田員外郎晁仲約可都官員外郎制

勅某褒善錄勤朝廷之政爾清明敏達士類所稱典治一州風政彌劭有司序績當得進遷往服寵章愈其思勉可

屯田員外郎唐謹可都官員外郎制

勅某爾藝文行治進有可稱為郎尚書三年於此矣職事之最法當進遷愈其懋功以對新命可

屯田員外郎林大年可都官員外郎制

勅某士之有為者豈必慶賞而後勸哉然黜陟者勸世之通法而為天下者所不能廢也爾被文著德從政有聲會課當遷序官一列往其勳勉膺此寵榮可

太常博士胥元衡可屯田員外郎制

勅某仕於朝廷者有勞而無罪至於三歲則遷位一等所以明有勸也爾名臣之世行義脩飭以才自奮從政有稱往服寵章愈其思勉可

太常博士李處厚可屯田員外郎制

勅某爾政事之材藝文之學潔身慎行皆以有稱試諸利權是亦煩使序功錄最當得進遷列職南宮往其祇服可

比部員外郎呂元規可駕部員外郎制

勅某褒善錄勤邦有常法爾護軍羅將邊漕悉心營職才諳見稱會課序遷往其祗服可

吳充轉官制

勅某士之好德樂善而無則爵賞有不足以勸焉而爵賞固不廢乎無求之爾文章行義政事之實士友之所服朝廷之所稱方試爾于外以觀爾為而審官上爾歲月之勞法當遷位一等此雖不足以為爾勸而天下至公之法不可以廢者也往其懋承之哉可

劉敞轉官制

勅某褒善錄最朝廷至公吾邇臣法當陟具官

某文章博美政事詳敏通道德之意躬仁義之行又於侍從實允詢謀以方維又能鎮撫甄序乃進遷厥官朕命惟休服可

劉覺等轉員外郎制

勅某官所以制祿位之事所以叙才分之宜視職之廢舉與行之失得而其官此吾為天下立法以廢置賞誅之大體也持其行而無失修其職而無廢三年於此矣不可以徒置也宜有賞焉序進一官往欽乃服可

王伯恭轉官制

勅某方今仕於朝廷者率三歲而一遷論者患其不足以勸功然日月久矣能祗慎不怠免於罪悔則亦

宜有以褒嘉此朕所以優爾得遷之意也士之爲義
蓋有常心何必利焉然後知勸可

王允轉官制

勅某爾能誦先王之言以得祿位施於有政又以才
稱丞于殿中歲月久矣博士之選儒者所宜以爲爾
官其往祇載可

李正臣轉官制

勅某書曰欽哉欽哉惟刑之恤哉此吾所以建審刑
之職而擇取智能之士以爲詳議之官爾以藝文起
家又能明習法令靖共厥位有伐當遷姑使序于太
常而仍其覆讞之事往爲審克以稱欽恤之意可

劉叔寶轉官制

勅某士之修身慎行宣力四方豈皆以取爵祿之報
哉蓋其志有以謂義當如此然而爵祿必稽行治
勞烈而加焉今吾序進爾官以有積功之實義不可
以無報也在爾自爲則欲知夫義當如此而無志乎
寵利然後可以事君往其勉哉尚有終譽可

臨川先生文集卷第五十

